



REPUBLIKA E KOSOVËS
REPUBLIKA KOSOVA – REPUBLIC OF KOSOVO

GJYKATA THEMELORE GJAKOVË - DEGA E GJYKATËS RAHOVEC

Numri i lëndës: 2024:245576

Datë: 21.10.2024

Numri i dokumentit: 06329292

PPP.nr.204/24

GJYKATA THEMELORE NË GJAKOVË – DEGA NË RAHOVEC, Departamenti i Përgjithshëm – Divizioni Civil, gjyqtari i vetëm Avni Berisha, me bashkëpunëtoren profesionale Shpresa Haxhijaha Rahmani, në lëndën përmbarese të kreditorëve K.M, L.G, M.Q, M.D dhe N.S, që të gjitha nga Rahoveci, të cilat i përfaqëson i autorizuari Av. D.M nga Prizreni, kundër debitorës Komuna e Rahovecit, Drejtoria Komunale e Arsimit, duke vendosur sipas propësimit të debitorit të ushtruar kundër urdhërit të përmbaresit privat B.B P.nr.6600/24, të datës 18.07.2024, më 21.10.2024, merr këtë:

A K T V E N D I M

- I. **APROVOHET** pjesërisht si i bazuar propësimi i debitorit Komuna e Rahovecit, Drejtoria Komunale e Arsimit, ashtu që **SHFUQIZOHET** urdhëri të përmbaresit privat B.B nga Peja, P.nr.6600/24, të datës 18.07.2024, sa i përket kërkesës së përfaqësuesit të autorizuar të kreditorëve që në emër të shpenzimeve për përpilimin e propësimit për përmbarim të paguaj shumë në emër të TVSH-18%.
- II. **MBETET NË FUQI** urdhri i përmbaresit privat B.B, nga Peja P.nr.6600/24, të datës 18.07.2024, me të cilin është caktuar përmbarimi e borxhit për shkak të detyrimit në të holla në emër të kompensimit të shpenzimeve të procedurës kontestimore, kreditorëve K.M, L.G, M.Q, M.D dhe N.S nga Rahoveci, ti paguaj shumë prej 352.00 euro, me kamatë prej 8 %, nga dita e paraqitjes së propësimit me datë 17.07.2024, si dhe në emër të shpenzimeve të procedurës përmbarimore për përpilimin e propësimit të paguaj shumë prej 468.00 euro.

A r s y e t i m

Në bazë të propozimit të kreditorëve K.M, L.G, M.Q, M.D dhe N.S nga Rahoveci, përmbaruesi privat B.B nga Peja, ka lejuar përmbarimin sipas urdhrin P.nr.6600/24, të datës 18.07.2024, në bazë të dokumentit përmbarimor, Aktgjykimit C.nr.977/23, i datës 04.06.2024, i plotfuqishëm me datë 02.07.2024, i ekzekutueshëm nga data 10.07.2024, kundër debitorës Komuna e Rahovecit, Drejtoria Komunale e Arsimit, për shkak të detyrimit në të holla në emër të kompensimit të shpenzimeve të procedurës kontestimore, në shumën e përgjithshme prej 352.00 euro.

Kundër urdhrin me të cilin është caktuar përmbarimi, debitorja Komuna e Rahovecit, ka paraqitur prapësim me të cilin ka kundërshtuar urdhrin për caktimin e përmbarimit, pasi që sipas saj propozuesi i përmbarimit ka kërkuar shpenzimet për përpilimin e propozimit përmbarimor me TVSHnuk është paraparë me asnjë dispozitë të Tarifës së Odës së Avokatëve, andaj konsideronë se urdhëri për përmbarim dhe propozimi për përmbarim janë në kundërshtim me parimin e ekonomizimit të procedurës të paraparë me dispozitat e LPK-së dhe LPP-së.

Kreditorët brenda afatit ligjor kanë ushtruar përgjigje në prapësim, duke theksuar se prapësimi i debitorës është i pa bazë, me arsyetimin se Urdhëri i Përmbaruesit privat B.B, është marrë bazuar në dispozitat ligjore, përkatësisht duke u bazuar në dispozitat ligjore të Ligjit Mbi Procedurën Përmbarimore, e konkretisht në përputhje me nenin 43 të LPP-së, e duke u bazuar në titullin përmbarimor-Aktgjykim. Gjykatës i ka propozuar që prapësimin ta refuzojë si të pa bazuar.

Gjykata pas shqyrtimit të propozimit të kreditorëve, urdhrin për lejimin e përmbarimit, prapësimin të debitorës, përgjigjes në prapësim të kreditorëve, shkresave të lëndës, ka ardhur në përfundim se prapësimi i debitorës është i pabazuar.

Sipas dispozitave ligjore të Ligjit Nr.04/L-139 (i publikuar në Gazetën zyrtare të Republikës së Kosovës Nr.3 të dt.31.01.2013, më tej LPP) në nenin 21 përcaktohen bazat juridike për caktimin e përmbarimit, *"Organi përmbarues e cakton, përkatësisht e zbaton përmbarimin vetëm në bazë të dokumentit përmbarues (titulus executionis) dhe dokumentit të besueshëm, po që se me këtë ligj nuk është parashikuar diçka tjetër"*, ndërsa me nenin 22 par.1 nënpar.1.1 përcaktohet se *"1. Dokumente përmbaruese janë: 1.1"vendimi përmbarues i Gjykatës dhe ujdia (pajtimi) gjyqësore përmbaruese"*.

Gjykata vendosi si në pikën I të dispozitivit të këtij aktvendimi, duke e aprovuar pjesërisht prapësimin e debitorit dhe duke e shfuqizuar P.nr.6600/24, të datës 18.07.2024, sa i përket kërkesës së përfaqësuesit të autorizuar të kreditorëve që në emër të shpenzimeve për përpilimin e propozimit për përmbarim të paguaj shumën prej 84.24 euro në emër të TVSH-18%, me arsyetimin se këto shpenzime nuk i përkasin dispozitivit të vendimit gjyqësor i cili kërkohet që të përmbarohet e as nuk janë të parapara në Tarifën e Odës së Avokatëve.

Gjykata me analizimin dhe shikimin e dokumenti përmbarues – Aktgjykimi C.nr.977/23, i datës 04.06.2024, vërtetoi faktin se debitori ka qenë i obliguar për shkak të detyrimit në të holla në emër të shpenzimeve të procedurës kontestimore, kreditorëve, t'ia paguaj shumën e përgjithshme prej 352.00 euro, të gjitha me kamatë ligjore prej 8% në afat prej 15 dite pas plotfuqishmërisë së këtij aktgjykimi. Debitori me asnjë prove nuk arriti të vërtetoj faktin se ka kryer pagesën për këtë shumë. Gjykata po ashtu ka vërtetuar faktin se dokumenti përmbarimor – Aktgjykimit C.nr.977/23, i datës 04.06.2024, i dhënë në procedurë gjyqësore është nxjerrë nga organi kompetent, ka marrë formën e prerë me datë 02.07.2024, si dhe i njëjti është i ekzekutueshëm

nga data 10.07.2024. Sipas LPP-së nenit 27 par.1 përcaktohet se *”Dokumenti përmbarimor është i përshtatshëm për përmbarim në qoftë se në të është treguar kreditori dhe debitori, si dhe objekti, mjetet, shuma dhe koha e përmbushjes së detyrimit”*. Nga kjo rezulton se vendimi në fjalë është titull përmbarimor për shkak se e ka të përcaktuar kreditorin dhe debitorin, kohën e përmbushjes së detyrimit, si dhe shumën e përmbushjes, andaj si i tillë është i përshtatshme për përmbarim, andaj edhe vendosi si në pikën II të dispozitivit të këtij aktvendimi duke e lënë në fuqi urdhërin përmbarimor P.nr.6600/24, të datës 18.07.2024.

Gjykata analizoi kundërshtimet e debitorit lidhur me urdhërin për lejimin e përmbarimit P.nr.6600/24, të datës 18.07.2024, mirëpo këto pretendime i vlerësoi si të pabazuar, sepse gjykata në procedurën përmbarimore nuk lëshohet në ligjshmërinë materiale të dokumentit përmbarues, në bazë të të cilit kërkohet përmbarimi. Gjykata në procedurën përmbarimore kujdeset se a është bërë propozimi për përmbarim dhe a është lejuar përmbarimi në bazë të dokumentit përmbarues siç kërkohet me dispozitat ligjore në fuqi. Në rastin konkret përmbarimi është lejuar në bazë dokumenti përmbarimor Aktgjykim, C.nr.977/23, i datës 04.06.2024, të Gjykatës Themelore në Gjakovë-dega në Rahovec, i plotfuqishëm me datë 02.07.2024, i ekzekutueshëm nga data 10.07.2024, ndërsa kreditorët propozimin për përmbarim e kanë parashtruar me datë 18.07.2024, brenda afatit sipas të cilit mund kërkohet përmbarimi.

Nga të lartcekurat, duke u mbështetur në dispozitat e nenit 22, 23, 24 par.1 dhe 27 lidhur me nenin 73, 77 par.1 dhe 5 dhe nenit 290 të Ligjit mbi Procedurën Përmbarimore, vendosi si në dispozitiv të këtij aktvendimi.

GJYKATA THEMELORE GJAKOVË -DEGA NË RAHOVEC
Departamenti i Përgjithshëm – Divizioni Civil
PPP.nr.204/2024, dt. 21.10.2024

B.Profesionale
Shpresa Haxhijaha Rahmani

Gj y q t a r i
Avni Berisha

KËSHILLË JURIDIKE: Kundër këtij aktvendimi pala e pa kënaqur ka të drejtë ankese, brenda afatit prej 7 (shtatë) ditëve, pas ditës së pranimit të tij, Gjykatës së Apelit në Prishtinë, nëpërmes kësaj Gjykate Themelore.